

三國全圖演義

三國全圖演義

劉皇叔北海救孔融

蒲潭




呂 席 易 曹
溫 儼 厥 操

東海
向氏



陶恭祖三讓徐

青琴盒主



觀音大士降呂

二如居士



第一才子書卷六

聖嘆外書

茂苑毛宗崗序始氏評

第十一回

劉皇叔北海救孔融

呂溫侯濮陽破曹操

本是陶謙求救。却弄出孔融求救。本是太史慈救孔融。却弄出劉立德救孔融。本是孔融求立德。却弄出陶謙求立德。本是立德退曹操。却弄出呂布退曹操。種種變化。令人測摸不出。看前卷曹操咬牙切齒。秣馬厲兵。觀者必以爲此卷中定然踏平徐州。碎割陶謙矣。不意虎頭蛇尾。竟自解圍而去。所以然者。操以兗州爲家。無兗州則無家也。顧家之情重。遂使報父之情輕。故乘便賣個人情與劉備。嗟乎天下豈有報父讐而可以賣人情者乎。孝子報讐不復顧身。奈何顧家而遂中止乎。太史慈爲母報德。而終以克報慈誠孝子也。曹操爲父報讐。而竟不克報。以操非孝子故也。

劉備之辭徐州爲真辭耶。爲假辭耶。若以爲真辭。則劉璋之益州且奪之而陶謙之徐州反讓之何也。或曰辭之愈力。則受之愈穩。大英雄人往往有此算計。人自不知耳。

却說獻計之人。乃東海朐縣人。姓糜名竺。字子仲。此人家世富豪。嘗往洛陽買賣。乘車而回。路遇一美婦人。來求同載。竺乃下車步行。讓車與婦人坐。婦人請竺同載。竺上車端坐。目不邪視。其寔行及數里。婦人辭去。臨別對竺曰。我乃南方火德星君也。離爲中女。火固屬陰。故火星化爲婦人。奉上帝勅。往燒汝

家感君相待以禮故明告君君可速歸搬出財物吾當夜來言訖不見心火不動天火亦不為害然今之能為廢竺者幾人

哉天火安能燒得許多也竺大驚飛奔到家將家中所有疾忙搬出是晚果然廚中火起盡燒其屋竺因此廣

捨家財濟貧救苦後陶謙聘為別駕從事來敘廢竺一段閒情敘事到極急時偏用一緩當日獻計曰某願親往北海郡

求孔融起兵救援更得一人往青州田楷處求救若二處軍馬齊來操必退兵矣謙從之遂寫書

二封問帳下誰人敢去青州求救一人應聲願往眾視之乃廣陵人姓陳名登字元龍陶謙先打

發陳元龍往青州去訖略過青州一邊下然後命廢竺齋書赴北海自己率眾守城以備攻擊却便敘詳北海一邊

說北海孔融字文舉魯國曲阜人也孔子二十世孫泰山郡尉孔宙之子自小聰明年十歲時往

謁河南尹李膺聞人難之融曰我係李相通家及入見膺問曰汝祖與吾祖何親融曰昔孔子曾

問禮於老子融與君累世通家今挾刺投人者多寫通家想亦學孔融而說也膺大奇之少頃大中大夫陳煒至膺指融

曰此奇童也煒曰小時聰明大時未必聰明融即應聲曰如君所言幼時必聰明者口角尖利煒咄咄逼人

等皆笑曰此子長成必當代之偉器也自此得名後為中郎將累遷北海太守極好賓客今之寫通家帖

拜客者偏多慳吝未必好客常曰座上客常滿樽中酒不空吾之願也高懷惜今世無孔融我亦欲寫通家帖拜投門下矣

此孔融之所以不可及也又夾敘孔融一段閒文敘當日正與客坐人報徐州廢竺至融請入見問

其來意竺出陶謙書言曹操攻圍甚急望明公垂救融曰吾與陶恭祖交厚子仲又親到此如何

不去只是曹孟德與我無讐當先遣人送書解和如其不從然後起兵竺曰曹操倚重兵威決不

肯和融教一面點兵一面差人送書正商議間忽報黃巾賊黨管亥部領羣寇數萬殺奔前來此

萬人突如其來怪絕孔融大驚忽點本部人馬出城與賊迎戰管亥出馬曰吾知北海糧廣可借一萬石即

便退兵不然打破城池老幼不留孔融叱曰吾乃大漢之臣守大漢之地豈有糧米與賊耶管亥

大怒拍馬舞刀直取孔融融將宗寶挺鎗出馬戰不數合被管亥一刀砍宗寶於馬下孔融兵大

亂奔入城中管亥分兵四面圍城孔融心中鬱悶縻竺懷愁更不可言縻竺此時

遙望賊勢浩大倍深憂惱忽見城外一人挺鎗躍馬殺入賊陣左冲右突如入無人之境直到城

下大叫開門此一人又突孔融不識其人不取開門賊眾趕到河邊那人回身連搦十數人下馬

具見英雄賊眾倒退融急命開門引入其人下馬棄鎗逕到城上拜見孔融融問其姓名對曰某東萊

黃縣人也覆姓太史名慈其名曰慈其人則孝字子義老母重蒙恩顧某昨自遼東回家省親知賊寇城老

母說屢受府君深恩汝當往救某故單馬而來曹操為父報讐太史慈為母報德孔融大喜原來孔融與太史慈

雖未識面却曉得他是个英雄因他遠出有老母住在離城二十里之外融常使人遺以粟帛母

感融德故特使慈來救好客而惠及其母固當得此報當下孔融重待太史慈贈與衣甲鞍馬慈曰某願借精兵

一千出城殺賊融曰君雖英勇然賊勢甚盛不可輕出慈曰老母感君厚德特遣慈來如不能解

第一才子書

卷六

第十一回

圍慈亦無顏見母矣。

的是孝子聲口

願決一死戰。融曰：吾聞劉玄德乃當世英雄，若請他得來相救，此圍

自解，只無人可使耳。慈曰：府君修書某當急往。

糜竺方為陶謙求救於孔融，太史慈又為孔融求救於劉備，變幻之極。

融喜，修書付

慈，慈環甲上馬，腰帶弓矢，手持鉄鎗，飽食嚴裝，城門開處，一騎飛出，近河賊將率眾來戰，慈連搦

死數人，透圍而出。管亥知有人出城，料必是請救兵的，便自引數百騎趕來，八面圍定，慈倚住鎗，

拈弓搭箭，八面射之，無不應弦落馬。賊眾不敢來追。

英勇之極

太史慈得脫，星夜投平原，來見劉玄德，

施禮罷，具言孔北海被圍求救之事。皇上書札玄德看畢，問慈曰：足下何人？慈曰：某太史慈，東海

之鄙人也，與孔融親非骨肉，比非鄉黨，特以氣誼相投，有分憂共患之意。

語語打動，玄德妙。

今管亥暴亂，

北海被圍，孤窮無告，危在旦夕。聞君仁義素著，能救人危急，故特令某冒鋒鏑圍前來求救。玄德

歛容答曰：孔北海知世間有劉備耶？

自負語亦，龍驤語。

乃同雲長、翼德點精兵三千，往北海郡進發。管亥

望見救軍來到，親自引兵迎敵。因見玄德兵少，不以為意。玄德與關、張、太史慈立馬陣前，管亥忿

怒直出，太史慈却待向前，雲長早出。

破黃巾賊却用一裹青巾者，可謂以木克土。

直取管亥，兩馬相交，眾軍大喊，量管

亥怎敵得雲長，數十合之間，青龍刀起，劈管亥於馬下。太史慈、張飛兩騎齊出，雙鎗並舉，殺入賊

陣，玄德驅兵掩殺。城上孔融望見，太史慈與關、張趕殺賊眾，如虎入羊羣，縱橫莫當。

只八字寫得何等聲勢。

便驅兵出城，兩下夾攻，大敗羣賊，降者無數，餘黨潰散。

可謂慣破黃巾，劉關張矣。

孔融迎接玄德入城，敘禮畢。

大設筵宴慶賀。又引糜竺來見。玄德具言張闔殺曹嵩之事。今曹操縱兵大掠。圍住徐州。特來求救。玄德曰：「陶恭祖乃仁人君子，不意受此無辜之冤。」孔融曰：「公乃漢室宗親，今曹操殘害百姓，倚強欺弱，何不與融同往救之？」玄德曰：「備非敢推辭，奈兵微將寡，恐難輕動。」孔融曰：「融之欲救陶恭祖，雖因舊誼，亦爲大義。公豈獨無仗義之心耶？」激厲玄德曰：「既如此，請文舉先行，容備去公孫瓚處借三五百人馬，隨後便來。」融曰：「公切勿失信。」玄德曰：「公以備爲何如人也？」正與北海知世間聖人云：自古皆有死，人無信不立。劉備借得軍，或借不得軍，必然親至。孔融應允。教糜竺先回徐州去報。融便收拾起程。太史慈拜謝曰：「慈奉母命前來相助，今幸無虞。」有揚州刺史劉繇與慈同郡，有書來喚，不敢不去。容圖再見。融以金帛相酬。慈不肯受而歸。何不留之其母見之，喜曰：「我喜汝有以報北海也。」子是孝子，母是賢母。遂遣慈往揚州去了。爲後伏線。不說孔融起兵，且說玄德投北海來見公孫瓚，具說欲救徐州之事。瓚曰：「曹操與君無讐，何苦替人出力？」玄德曰：「備已許人，不敢失信。」瓚曰：「吾借與君馬步軍二千。」玄德曰：「更望借趙子龍一行。」未嘗須臾忘此人。瓚許之。玄德遂與關張引本部三千人爲前部，子龍引二千軍隨後，往徐州來。却說糜竺回報陶謙，言北海又請得劉玄德來助。陳元龍也回報青州田楷欣然，領兵來救。一邊實敘一邊虛敘妙。陶謙心安，原來孔融田楷兩路軍馬，懼怕曹兵勢猛，遠遠依山下寨，未敢輕進。曹操見兩路軍到，亦分了軍勢，不敢向前攻城，却說劉玄德軍到。

見孔融曰曹兵勢大操又善於用兵未可輕戰且觀其動靜然後進兵玄德曰但恐城中無糧難以久持備令雲長子龍領軍四千在公部下相助備與張飛殺奔曹營逕投徐州去見陶使君商議畢竟立德英雄融大喜會合田楷爲犄角之勢雲長子龍領兵兩邊接應是日玄德張飛引一千人

馬殺入曹兵寨邊正行之間寨內一聲鼓響馬軍步軍如潮似浪擁眾出來當頭一員大將乃是于禁勒馬大叫何處狂徒往那里去張飛見了更不打話直取于禁兩馬相交戰到數合玄德掣雙股劍麾兵大進于禁敗走張飛當前追殺直到徐州城下城上望見紅旗白字大書平原劉立德陶謙急令開門玄德入城陶謙接着共到府衙禮畢設宴相待一面勞軍陶謙見玄德一表軒昂語言豁達心中大喜便令糜竺取徐州牌印讓與玄德陶恭祖一讓徐州玄德愕然曰公何意也謙曰今天下擾亂王綱不振公乃漢室宗親正宜力扶社稷老夫年邁無能情願將徐州相讓公勿推辭謙當自寫表文申奏朝廷玄德離席再拜曰劉備雖漢朝苗裔功德微薄爲平原相猶恐不稱職今爲大義故來相助公出此言莫非疑劉備有吞併之心耶若舉此念皇天不佑謙曰此老夫之實情也再三相讓玄德那里肯受真即糜竺進曰今兵臨城下且當商議退敵之策待事平之日再當相讓可也玄德曰備當遺書與曹操勸令解和操若不從廝殺未遲於是傳檄三寨且按兵不動遣人齎書以達曹操却說曹操正在軍中與諸將議事人報徐州有戰書到操拆

而觀之，乃劉備書也。書略曰：備自關外得拜君顏，嗣後天各一方，不及趨侍。向者尊父曹侯，實

因張闔不仁，以致被害，非陶恭祖之罪也。目今黃巾遺孽，擾亂於外；董卓餘黨，盤踞於內。願明公

先朝廷之急，而後私讐。撤徐州之兵，以救國難，則徐州幸甚，天下幸甚。好書曹操看書，大罵劉備何

人，敢以書來勸我。且中間有譏諷之意，命斬來使。一面竭力攻城。郭嘉諫曰：劉備遠來救援，先禮

後兵，主公當用好言答之，以慢備心。然後進兵攻城，城可破也。操從其言，款留來使，候發回書。正

商議間，忽流星馬飛報禍事。令人測摸不出怪絕操問其故，報說呂布已襲破兖州，進據濮陽。真是意想不到原來

呂布自遭李郭之亂，逃出武關，去投袁術。術怪呂布反覆不定，拒而不納。投袁紹，紹納之。與布共

破張燕於常山，布自以為得志，傲慢袁紹手下將士。紹欲殺之，布乃去投張揚。揚納之時，龐舒在

長安城中私藏呂布妻小，送還呂布。李傕郭汜知之，遂斬龐舒，寫書與張揚，教殺呂布。布因棄張

揚，去投張邈。呂布出關後事附補於此恰好張邈弟張超引陳宮來見張邈。宮說邈曰：今天下分崩，英雄並起，

君以千里之眾，而反受制於人，不亦鄙乎？今曹操征東，兖州空虛，而呂布乃當世勇士，若與之共

取兖州，伯業可圖也。陳宮妙人張邈大喜，便令呂布襲破兖州，據濮陽，止有鄆城、東阿、范縣三處。破

荀彧程昱設計死守得全。虧得前番防守其餘俱破。曹仁屢戰，皆不能勝。特此告急。不是劉備救陶謙却

是呂布救陶謙仍是呂布救陶謙仍操聞報，大驚曰：兖州有失，使吾無家可歸矣，不可不亟圖之。欲報父讐奈何顧家耶？郭嘉

曰主公正好賣個人情與劉備退軍去復兗州報讐何事可操然之即時答書與劉備拔寨退兵

前寫曹操盛怒有不可嚮邇之勢不意却作如此收局奇幻且說來使回徐州入城見陶謙呈上書札言曹兵已退謙大喜差

人請孔融田楷雲長子龍等赴城大會取軍齊赴必謂一場大戰矣飲宴既畢謙延玄德於上座

拱手對眾曰老夫年邁二子不才不堪國家重任劉公乃帝室之胄德高才廣可領徐州老夫情

願乞閒養病陶恭祖二玄德曰孔文舉令備來救徐州為義也今無端據而有之天下將以備為

無義人矣糜竺亦看玄德曰今漢室凌遲海宇顛覆樹功立業正在此時徐州殷富戶口百萬劉使君領此

不可辭也糜竺亦看上玄德了玄德曰此事決不敢應命陳登曰陶府君多病不能視事明公勿辭玄德曰

袁公路四世三公海內所歸近在壽春何不以州讓之孔融曰袁公路塚中枯骨四字罵何足挂

齒今日之事天與不取悔不可追玄德堅執不肯陶謙泣下曰君若捨我而去吾死不瞑目矣雲

長曰既承陶公相讓兄且權領州事張飛曰又不是我強要他的州郡他好意相讓何必苦苦推

辭說得爽利玄德曰汝等欲陷我于不義耶陶謙推讓再三玄德只是不受真耶陶謙曰如玄德必不

肯從此間近邑名曰小沛足可屯軍請玄德暫駐軍此邑以保徐州何如眾皆勸玄德留小沛玄

德從之陶謙勞軍已畢趙雲辭去玄德執手揮淚而別孔融田楷亦各相別引軍自回玄德與關

張引本部軍來至小沛修葺城垣撫諭居民高祖起於沛玄德亦居小沛可稱小沛公却說曹操回軍曹仁接着言呂

布勢大，更有陳宮爲輔，兗州已失，其鄆城東阿范縣三處，賴荀彧程昱二人設計相連，死守城郭。操曰：吾料呂布有勇無謀，不足慮也。敎且安營下寨，再作商議。呂布知曹操回兵，已過滕縣，召副將薛蘭、李封曰：吾欲用汝二人久矣，汝可引軍一萬，堅守兗州，親自率兵前去破曹。二人應諾。陳宮急入見曰：將軍棄兗州，欲何往乎？布曰：吾欲屯兵濮陽，以成鼎足之勢。宮曰：差矣。薛蘭必守兗州不住。具有此去正南一百八十里，泰山路險可伏。精兵萬人在彼，曹兵聞失兗州，必然倍道而進，待其過半，一擊可擒也。洵是妙策。布曰：吾屯濮陽，別有良謀。汝豈知之？遂不用陳宮之言，而用薛蘭守兗州而行。曹操兵行至泰山險路，郭嘉曰：且不可進，恐此處有伏兵。陳宮之言，郭嘉暗暗料着。曹操笑曰：呂布無謀之輩，故敎薛蘭守兗州，自往濮陽安得此處有埋伏耶？呂布不聽陳宮之言，曹操又暗暗料着。敎曹仁領一軍圍兗州，吾進兵濮陽，速攻呂布。陳宮聞曹兵至近，乃獻計曰：今曹兵遠來疲困，利在速戰，不可養成氣力。布曰：吾匹馬縱橫天下，何愁曹操待其下寨？吾自擒之。却說曹操兵近濮陽，下住寨脚。次日，引眾將出，陳兵于野，操立馬于門旗下，遙望呂布兵到，陣圓處，呂布當先出馬，兩邊排開八員健將，第一個鴈門馬邑人，姓張名遼，字文遠。第二個泰山華陰人，姓臧名霸，字宣高。兩將又各引六員健將，郝萌、曹性、成廉、魏續、宋憲、侯成，布軍五萬，鼓聲大震。操指呂布而言曰：吾與汝自來無讐，何得奪吾州郡？布曰：漢家城池，諸人有分，偏爾合得？極無理語說來，却甚是有理。便叫臧霸出馬搦戰，曹

軍內樂進出迎，兩馬相交，雙鎗齊舉，戰到三十餘合，勝負不分。夏侯惇拍馬便出助戰。呂布陣上張遼截住，廝殺，惱得呂布性起，挺戟驅馬衝出陣來。夏侯惇樂進皆走。呂布掩殺曹軍大敗，退三十里。布自收軍。曹操輸了一陣，回寨與諸將商議。于禁曰：「某今日上山觀望，漢陽之西，呂布有一寨，約無多軍。今夜彼將謂我軍敗走，必不準備，可引兵擊之。若得寨，布軍必懼，此爲上策。」操從其言，帶曹洪、李典、毛玠、呂虔、于禁、典韋六將，選馬步二萬人，連夜從小路進發。却說呂布于寨中勞軍，陳宮曰：「西寨是個要緊處，倘或曹操襲之，奈何？」布曰：「他今日輸了一陣，如何敢來？」宮曰：「曹操是極能用兵之人，須防他攻我不備。」于禁之謀陳宮又暗暗料着布乃撥高順并魏續、侯成引兵往守西寨。却說曹操于黃昏時分引軍至西寨四面突入，寨兵不能抵擋，四散奔走。曹操奪了寨，將及四更，高順方引軍到，殺將入來。布兵未至而寨已奪曹操自引軍馬來迎，正逢高順三軍混戰，將及天明，正西鼓聲大震，人報呂布自引救軍來了。操棄寨而走。既奪而使之不能不棄背後高順、魏續、侯成趕來，當頭呂布親自引軍來到于禁寨，雙戰呂布不住。操望北而行，山後一彪軍出，左有張遼，右有臧霸，操使呂虔、曹洪戰之，不利。操望西而走，忽又喊聲大震，一彪軍至，郝萌、曹性、成廉、宋憲四將攔住去路。殺得好，看陳宮兵法頗妙眾將死戰，操當先衝陣。椰子響處，箭如雨射，將來操不能前進，無計可脫，大叫：「誰人救我？」馬軍隊裡一將湧出，乃典韋也，手挺雙鉄戟，大叫：「主公勿憂，飛身下。」

馬○撐○住○雙○戟○取○短○戟○十○數○枝○挾○在○手○中○呂布一戟典韋雙戟奇矣乃不顧從人曰賊來十步乃呼
我○奇○遂○放○開○脚○步○冒○箭○前○行○布○軍○數○十○騎○追○至○從○人○大○叫○曰○十○步○矣○韋○曰○五○步○乃○呼○我○奇○從○人○又○
日○五○步○矣○韋○乃○飛○戟○刺○之○一○戟○一○人○墜○馬○並○無○虛○發○百步箭不敵立○殺○十○數○人○眾○皆○奔○走○韋○復○飛○
身○上○馬○挺○一○雙○大○鉄○戟○衝○殺○入○去○忽下馬忽上馬忽用小戟忽用大戟寫典韋如生龍活虎郝○曹○侯○宋○四○將○不○能○抵○當○各○自○逃○
去○典○韋○殺○散○敵○軍○救○出○曹○操○眾○將○隨○後○也○到○尋○路○歸○寨○看○看○天○色○傍○晚○背○後○喊○聲○起○處○呂○布○驟○馬○
提○戟○趕○來○大○叫○操○賊○休○走○此○時○人○馬○困○乏○大○家○面○面○相○覩○各○欲○逃○生○正○是○雖○能○暫○把○重○圍○脫○
只○怕○難○當○勁○敵○追○

不知曹操性命如何且聽下文分解

第十二回

陶恭祖三讓徐州

曹孟德大戰呂布

糜○竺○家○中○之○火○天○火○也○濮○陽○城○中○之○火○人○火○亦○天○火○也○糜○竺○知○燒○而○避○其○燒○天○所○以○全○君○子○也○
曹○操○不○知○燒○而○亦○不○死○於○燒○天○所○以○留○奸○雄○也○全○君○子○是○天○理○留○奸○雄○是○天○數○曹○操○既○據○兗○州○
且○將○北○取○冀○安○得○不○東○取○徐○是○徐○州○固○操○所○必○爭○也○今○雖○暫○舍○之○而○去○其○志○豈○能○須○臾○忘○徐○州○
哉○立○德○雖○受○陶○謙○之○讓○吾○知○終○非○其○有○爾○

荀○文○若○曰○河○濟○之○地○昔○之○關○中○河○內○也○是○隱○然○以○高○祖○光○武○之○所○爲○教○曹○操○矣○待○其○後○自○加○九○